

ein. Auch der Grittibänz-Wettbewerb findet auf dem Platz Cadruvi statt.

Auf einen schönen Abend freut sich die

Jungmannschaft Brigels

Uniun da mummas e dunnas Dardin

Suentermiezdi da zambergiar d’Advent per ils affons
Cordialmein envida l’uniun da mummas e dunnas Dardin alla proxima sentupada. Quella gada zambergein nus cun ils affons. Muort collisiuns da termin ha quei suentermiezdi **venderdis, ils 28 da november** allas 14.00–17.00 en casa da scola Dardin.

Nus selegrein da passentar in suentermiezdi creativ cun vus.

La suprastonza

Finiastras d’Advent a Dardin

Duront il temps d’Advent embellin nus nossas finiastras cun maletgs ni decoraziuns d’Advent. Las decoraziuns duein porscher in’atmosfera magica ed animar per enqual spassegiada dalla sera ed dar caschun a preziusas sentupadas en la cuminonza dils vischins da nies vitg. Suandontas finiastras vegnan aviartas mintgamai allas 18.30:

- 5-12 Alexa Albrecht ed Agnieszka Baucz
- 7-12 Mengia Cathomas
- 10-12 Flavia Schuoler
- 12-12 Angelica Desax e Pia Nett
- 14-12 Diana Desax
- 17-12 Mariella Desax
- 20-12 Corina Carigiet
- 22-12 Sarah Huber

La suprastonza engrazia zun fetg a tut las participontas/ils participonts che dattan breigia da derasar glisch e colur duront igl Advent.

Sentupada d’Advent per nos seniors

Cordialmein envida l’uniun da mummas e dunnas ad ina sentupada d’Advent per star da cumpignia.

Mesjamna ils 3 da december, allas 14.00 en casa da scola Dardin. Sch’enzatgi drova taxi, astgeis bugen s’annunziar tier la Flavia, 079 753 21 81.

Societad da musica Andiaist

Radunonza generala, dumengia, ils 30 da november 2025, allas 13:30 en stanza da cant ella casa da scola Andiaist.

Tranctandas

1. Beinvegni
2. Elecziun d’in dumbravuschs
3. Protocol
4. Quen 2024 - 2025
 - a) Presentaziun
 - b) Rapport dils revisurs da quen
 - c) Approbaziun dil quen annual
5. Rapport dil president
6. Rapport dil dirigent
7. Entradas ed extradas
8. Elecziuns
9. Program 2026
10. Varia

Tenor las statuas valeivlas ei la radunonza generala obliigatorica per tut ils commembers activs dalla musica. Commembers d’honor, novizs sco era anteriurs/as musicants/as che havessan puspei plascher da sunar cun nus ein cordialmein envidai alla radunonza generala.

Nus selegrein sin vus!

La suprastonza

Uniun da giuventetgna Andiaist

Sontgaclau vegn

Sontgaclau vegn ils 6.12.2025 allas 17.00 ad Andiaist. Sontgaclau va da casa tier casa tras il vitg. El pren negins giavisch da temps encunter. Ils fumegls da sontgaclau prenden bugen encunter ils bials plaids per in e scadin en la «Boxa» ella stizun dil vitg ni sut l’adressa da s’annunziar:

Tel. 079 837 93 78

e-mail: cabalzar.r@hotmail.com

Der Samichlaus kommt

Der Samichlaus kommt am 6.12.2025 um 17.00 Uhr nach Andiaist. Der Samichlaus geht von Tür zu Tür durchs Dorf. Er nimmt keine Zeitwünsche entgegen. Die Gehilfen des Samichlaus nehmen gerne die schönen Worte für jeden entgegen und sie stehen Euch für Fragen zur Verfügung. Ihr erreicht die diese unter folgendem Kontakt und dürft die Abgabezetteln auch gerne im Dorfladen in der «Box» deponieren.

Tel. 079 837 93 78

E-mail: cabalzar.r@hotmail.com

*Uniun da giuventetgna Andiaist –
Jugendmannschaft Andiaist*

Sontgaclau a Danis

Sonda, ils 6 da december 2025 fa S. Clau puspei ina viseta als affons da Danis/Tavanasa.

Sche vus giavischeis che S. Clau viseti era vus e vos affons a casa, supplichein nus vus da scriver in E-Mail sin udgdt@hotmail.com cullas suandontas informaziuns:

- Num dalla famiglia
- Nums dils affons
- Bunas e schliattas disas da mintga affon

Nus supplichein vus da tarmetter tut las informaziuns entochen ils 30. da November 2025 per E-Mail sin udgdt@hotmail.com.

Tgi che ha aunc sacs digl onn vargau a casa ei supplicaus da returnar tals medemamein al volg entochen ils 29. da November 2025.

Sin stedia annunzia selegra,

l’uniun da giuventetgna Danis/Tavanasa

Apparats d’udida

Gliendisdis, igl 1. da december 2025 saveis Vus schar Schubergiar e rugalar Vies apparat d’udida:

09:15-10:30 en Casa sogn Martin a Trun

11:00-11:45 en Casa sogn Giusep a Cumpadials

13:15-14:30 el PUNTREIS, Center da sanadad a Mustér Dunna Giger dalla firma Amplifon AG e signur Gfeller dalla firma Jäggi Optik & Hörberatung AG sorprendan communablamein quei survetsch gratuit per tuts interessents. Ei drova negina annunzia.

Evang.-Ref. Kirchgemeinde Cadi

Ordentliche Kirchgemeindeversammlung

Siehe unter Disentis/Mustér!



www.disentis.ch

Votaziuns federalas, votaziun cantunala e votaziuns communalas dils 30 da november 2025

L’urna principala

en casa communal ei aviarta sco

suonda:

Dumengia, 30-11-2025, 09.00–11.00

La documentaziun da votar duess mintga votant(a) haver obteniu. Cass cuntrari san ins s’annunziar immediatamein, denton **sil pli tard entochen venderdis, ils 28 da november 2025, allas 14.00**, tier l’administraziun communal(tel. 081 920 36 36).

Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascrèt** en la cuviarta alva, cun la quala Vus haveis obteniu la documentaziun da votaziun.
3. La cuviarta ch’ei adressada all’administraziun communal saveis Vus tarmetter cun posta (basegna negina francatura) ni directamein fierer en la scaffa da brevs dalla casa communal.

Ils cedels da votar ston esser sil pli tard la dumengia, ils 30 da november 2025 allas 11.00 tier l’administraziun communal.

Aschinavon ch’ei vegn buca risguardau sura instructziuns da votar, ein ils cedels da votar nunvaleivels.

Suprastonza communal

Lubientscha da baghegiar

L’istanza da baghegiar ha concediu la suandonta lubientscha da baghegiar:

2025-1068.000

Florentin Tenner-Gysin, Via Prau 2, 7180 Disentis/Mustér; nova remisa, parcella 1594, Via Prau 2, 7180 Disentis/Mustér

Scaldaments mobils el liber – Bulius da scaldar, radiators, radiators d’infratgietschen etc.

Sebasond sin art. 11, al. 2 dalla lescha cantunala d’energia en cumbinaziun cun art. 33 dall’ordinaziun cantunala d’energia ha il Departament da construcziun, trafic e selvicultura dil Grischun relaschau suandonta disposiziun:

1. Per mintga apparat da scaldar mobil - gas, electricitad ed ieli - che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau ina tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau treis tonnas CO₂ e.a.v. Silmeins 20% dall’immissiun CO₂ sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.
2. Per mintga tonna che sto vegnir cumpensada sto vegnir taccau ina vignetta vid igl apparat da scaldar.
3. Ina vignetta vala mintgamai in onn naven digl
 1. da settember entochen ils 31 d’uost.L’obligaziun da cumprar ina vignetta exista naven dall’emprema gada ch’igl apparat da scaldar mobil vegn mess en funcziun duront la perioda da scaldar respectiva.
4. La cumpensaziun dall’immissiun da CO₂ succeda entras il possessur ni entras la vischnaunca.

- Sch'ils possessurs cumpenseschan sezs l'immissiun da CO₂, vegn la vignetta concedida gratuitamein entras la vischnaunca.
 - La cumpensaziun sto vegnir cumprovada cun in certificat d'ina interpresa specialisada sil sectur dalla cumpensaziun da CO₂
 - (p.ex. myclimate). Per apparats da scaldar electrices sa l'obligaziun da cumpensar l'immissiun da CO₂ era vegnir ademplita, sch'ei vegn applicau – per mintga tonna CO₂
 - che sto vegnir cumpensada – cumprovadamein 4'500 kWh d'electricitad ch'ei vegnida producida cun energias regenerablas.
 - Sch'ils possessurs cumpenseschan buca sezs l'immissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada.
 - Il prezi per vignetta importa **frs. 60.–**.
 - Las vischnauncas impundan igl entir recav dalla vendita da vignettas per cumpensar l'immissiun da CO₂.
 - Igl uffeci d'energia e traffic metta a disposiziun in agid d'execuziun per las vischnauncas.
 - Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).
- Las vignettas san vegnir retratgas tier l'administraziun communal. *Administraziun communal*

Pigniel da Nadal 2025

Il Menaschi tecnic dalla vischnaunca da Mustér organisescha uonn la vendita da pigeuls da Nadal. Ei vegn vendiu pignola mo sin empustaziun. Il pigniel sa vegnir retratgs ils **19 da december 2025 naven dallas 9.00–14.00** avon il luvratori dil Menaschi tecnic a Cuoz. Sin giavisch e per in prezi surpli da frs. 5.– vegn il pigniel era furnius avon casa.

Il pigniel sa vegnir empustaus cul talun aschuntau **entochen ils 5 da december 2025:**

Adressa: Uffeci forestal Disentis/Mustér
Caum postal 146, 7180 Disentis/Mustér
Telefon 081 920 36 36, *Mail:* admin@disentis.ch

Talun d'empustaziun

Num:
Prenum:
Adressa:
Telefon:

Pégn (Rottanne)

1.10 – 1.50 m CHF 28.– ____ tocs
1.60 – 2.00 m CHF 31.– ____ tocs
2.10 – 2.50 m CHF 35.– ____ tocs

Pégn da Nordmann

1.10 – 1.50 m CHF 43.– ____ tocs
1.60 – 2.00 m CHF 61.– ____ tocs
2.10 – 2.50 m CHF 82.– ____ tocs

Bien engraziament! *Uffeci forestal Disentis/Mustér*

Controlla da habitonts

Mortoris

Corsin Huonder-Tenner, naschius igl 1. da zercladur 1962 e morts ils 16 da november 2025

Giachen Antoni Casanova-Tönz, naschius ils 17 d'avrel 1953 e morts ils 17 da november 2025

Administraziun communal

Pleiv reformada dalla Cadi

Invit alla radunonza generala dalla pleiv reformada.
Mira sut pagina d'internet www.auaviva-cadi.ch

Evang.- Ref. Kirchgemeinde Cadi

Ordentliche Kirchgemeindeversammlung, Sonntag, 23. November 2025 um 11.10 Uhr im Kirchgemeindezentrum AUA VIVA in Disentis.
Liebe Kirchgemeindemitglieder. Der Kirchgemeindevorstand lädt alle recht herzlich zur Herbstversammlung ein. Nach dem offiziellen Teil laden wir euch gerne noch zu einem kleinen Umtrunk ein!

Traktanden:

- Begrüssung
- Wahl der Stimmenzähler/Innen
- Genehmigung des Protokolls der Kirchgemeindeversammlung vom 30.03.2025
- Bestätigung des Steuersatzes 2026 (17% + 3.5% = 20.5% | wegen Steuerausgleich)
- Budget
- Wahl Tina Bundi (Bestätigung)
- Bericht aus der Fundaziun Tür auf - Mo vinavon
- Anträge
- Stand Pfarrwahl
- Infos und Varia

Anträge bzgl. der GV sind schriftlich bis spätestens 10. November 2025 an die ev.-ref. Kirchgemeinde: z.Hd. des Präsidenten Hans Möckli-Fry, Via Davos Mustér 4, 7180 Disentis/Mustér zu senden. Alle Unterlagen zur Versammlung sind ab dem 10. November 2025 auf www.auaviva-cadi.ch aufgeschaltet.

Der Kirchgemeindevorstand:
Hans Möckli, Jeannette Venzin,
Susanne Strupler, Tina Bundi
und Christian Gerber

Suentermiezdi da cant cun Regina Wilms

Il suentermiedi da cant cun Regina Wilms sentaupan umens e dunnas che han plascher da cantar. Il plascher da canzuns preferidas, mo era da tuns novs e melodias nunenconuschentas. Da dur ni Moll, vegli ni nievv, piano ni ferm, plaun ni en galop, engles ni latin... Regina Wilms s'ellegra sin in suentermiezdi cun fatschas e vusch enconuschentas e fatschas novas.

Sonda, ils 4 d'october 2025 el center communal Aua Viva dallas 14.00 – 17.00.

Singnachmittag mit Regina Wilms

Am Singnachmittag mit Regina Wilms treffen sich Frauen und Männer, die Freude haben am Singen. Die Freude haben an vertrauten Gesängen und ihren Lieblingsliedern, aber auch an neuen Tönen und unbekannten Melodien. Ob in Dur oder Moll, ob alt oder neu, ob piano oder forte, ob langsam oder im Galopp, ob Englisch oder Latein... Regina Wilms freut sich auf einen schwungvollen Nachmittag mit bekannten Gesichtern und Stimmen und vielen neuen Mitsingenden.

Samstag, 4. Oktober 2025 im Gemeindezentrum Aua Viva von 14 – 17 Uhr.

Corporaziun d'aua Spina da Vin

Invit alla radunonza generala extraordinaria, mardis, ils 25 da november 2025, allas 20.15 en Sala Cumiera, Center Fontauna, Disentis/Mustér.

Tractandas:

- Beinvegni
- Elecziun da dus dumbravuschs
- Preventiv 2026

- Projects 2026
- Orientaziuns
- Varia

Tuttas commembras e tuts commembers ein cordialmein envidai e beinvegni.

Per la suprastonza, il president Aluis Flepp

Indoor Sounds Disentis

Lotto Night Disentis/Mustér

Sonda, ils 22 da november 2025 el Center Fontauna. Avertura allas 18.00. Start 19.00. Prendi part al Lotto e gudogna bials premis en ina valeta totala da sur CHF 21'000.–. Da gudignar dat ei denter auter: Quooker | TV | Snowboard | Notebook | Sportwatch | iPad | ActionCam 360° | Bons per tattoos e cuors da sfundrar e bia auter.

Vegni speraso e gudi la sera cun amitgs, plascher e tensiun. Tochen gleiti!

Samstag, 22. November 2025 im Center Fontauna. Türöffnung 18 Uhr, Start 19 Uhr. Mach mit beim Lotto und gewinne tolle Preise im Gesamtwert von über CHF 21'000.–. Zu gewinnen gibt es unter anderem: Quooker | TV | Snowboard | Notebook | Sportwatch | iPad | ActionCam 360° | Gutscheine für Tattoos und Tauchkurse und vieles mehr.

Komm vorbei und geniesse den Abend mit Freunden, Spass und Spannung.
Bis bald! Inserat!

Invitaziun da Seniors-CA

En buna cumpignia lein nus seniors e senioras 60+ dall'entira vischnaunca da Mustér guder in bien gentar d'Advent. **Gievgia, ils 27 da november 2025** allas 12:00 el'AUA VIVA.

Annunzia tochen mardis, ils 25 da november 2025 allas 11.00 a PUNTREIS sut 081 929 56 56. Gest indicar sche duvreis transport. Partenza allas 11:30 uras naven da PUNTREIS. Per ulteriuras informaziuns dat Linus Maissen 079 423 01 37 bugen esclariment.

Cordial beinvegni *Team SENIORA-CA*

Sentupada cun Sontgaclau pils affons pigns

Bimbimbim – Sontgaclau vegn cun stgalin! Alla proxima seruschnada vegn Sontgaclau sin viseta. Nus envi-dein tut ils affons entochen quater onns ensemen cun fargliuns, mumma/bab, tatta/tat ad ina sentupada cun Sontgaclau. Suenter la viseta dat ei aunc in sitg cauld.

Venderdis, ils 5 da december 2025 allas 9:30, liug - infos suondan. Annunzias ein d'inoltrar entochen ils 28.11 tier Justina Blumenthal-Deflorin 076 533 83 46. Nus selegrein sin vossa viseta!

Cordialmein envida

L'uniun da dunnas Disentis/Mustér, ressort affons

Apparats d'udida

Gliendisdis, igl 1. da december 2025 saveis Vus schar schubergiar e rugalar Vies apparat d'udida:
09:15-10:30 en Casa sogn Martin a Trun
11:00-11:45 en Casa sogn Giusep a Cumpadials
13:15-14:30 el PUNTREIS, Center da sanadad a Mustér
Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan comunablamein quei survetsch gratuit per tuts interessents. Ei drova negina annunzia.